



Was für Geschlechter aus dem alten Sechsischen Stamme Wit tekindi entsprossen.

Der XIX. Tittel.



Wiewol man den Stamm viel tieffer erholen köndte/als ersilich von König Harderich an/ wie auß dem verzeichnus so in gar AltSächsischer Sprach geschrieben worden/ vnd an seinem ort/ von wort zu wort sol gesetzt werden/ zu sehen/ Oder von König Boden an/ welcher Herzog vnd König hengsten elder Vater oder Abauus gewesen/ wie im Beda vnd andren Historicis zubefinden/ sonderlich aber von König Sigharden an/ welcher wie das alte vorzeichnis bey dem alten Sachsenbawm zu befinden/ so wir zuuorn angezogen/ auß der Chronica maiori/ wie die wort daselbs lauten/ vnd Historia AngloSaxonum, bezeuget/ von der Sachsen Herzog/ Hengst/ Herrn zu Engern/ seine Ankunfft gehabt/ auff welche weiß wir die Engellendischen Königlichen Geschlechter von Hengst vnd Herst/ desgleichen das Teckenburgische von Albione hergestammet allhie mit nemen könten: Wollen wirs doch kurz wegen an diesem ort einstellen/ vnd nur von König Witelindo/ in welchem sich der Stamm getheilet/ anfangen.

Vnd weil Witelindus Magnus der letzte König vnd erste Herzog (nach vieler meinung) zu Sachsen/ zween Söhne gehabt/ Wigbertum vnd Witelindum den Jüngern/ wollen wir vnterschiedlich/ was von einem jeden propagirt worden/ nach einander setzen.

I.
Herzogen zu
Sachsen/ Engern
vnd
Westualen.

Erstlich auß Wiperti Nachkomen ist entsprossen das Geschlecht der Herzogen/ oder wie sie von etlichen genennet werden/ der Groß Herzogen zu Sachsen/ Engern vnd Westualen/ als da sein gewesen der selbe Witprecht/ sein Sohn Bruno/ vnd dessen Sohn Ludolff/ sampt dieses Söhnen/ Brunone/ Tanquart/ Eckbrecht/ Ditone/ etc. Das aber etliche allhie einer andern meinung sein/ vnd diesen theil des Stammes von Brunone Witelindi Brudern herderiuiren/ ist droben im anfang des 10. Tittels gemeldet worden/ vnd wird am ende dieses Tittels wider kürzlich erwehnet.

II.
Römische
Keyser

Vm andern/ der Römischen Keyser/ welches sein anfang hat an Ditone/ des Heinrici Aucupis Vater/ welchem das Reich nach Ludouici des vierdten Tode offerirt worden/ so er nicht annemen wollen/ vnd doch auß seinen Sohn vnd weis